

Xa

4400



Xa
4400

SERENUS
SOL ORIENS
SERENISSIMI, CELSISSIMI AC ILLU-
STRISSIMI DOMINI,
DOMINI
CHRISTIANI,

DUCIS SAXONIÆ, JULIÆ, CLIVIÆ AC MONTIUM, AN-
GRIÆ & WESTPHALIÆ, LANDGRÄVII THURINGIÆ, MARGGRAVII MI-
SNIÆ, NEC NON SUPERIORIS & INFERIORIS LUSATIÆ, COMITIS PRIN-
CIPALI DIGNITATE HENNEBERGICI, COMITIS MARCÆ & RA-
VENSBERGÆ, DOMINI RAVENSTEINII &c. &c.

IPSISSIMO
SERENI DIE

XXII. FEBR. ANNO M DCC XIII.

QUI FELICISSIMUS ERAT

TRIGESIMUS NATALIS PRIMUS
DOMINI SUI CLEMENTISSIMI,

SUMMO CUM TRIPUDIO SALUTABATUR


A

M. JOHANNE GEORGIO RAMMOLDO, P. L. C.

PASTORE SUPERIORIS EICHSTADII,

LEUCOPETRÆ,

EX OFFICINA JOH. CHRISTOPH. BRUHLII, AUL. TYP.





Alve, SOL ORIENS! faustis advecte
quadrigis,
Qui roseo cœli vultu convexa SERENAS,
Deque novo mulees rigidæ post frigora
Brumæ
Auras, communi planctu luctuq; fugato.
Immites etenim ventos, rabidæque procellas
Sensimus Æolicas hyemis, dum tempore PRINCEPS
Haut longo cecidit SAXO, DUXque Inclytus HEROS
Præproperam nimis ante diem, viduataque Tecta
LEUCOPETRÆA gravi, magno & mœrore reliquit.
Tunc tristem Patriæ faciem spectasse cuiquam
Silicium, grandes nimbos imbresque vidisset!
Igniferum veluti cum Sol rapidissimus orbem
Abdidit, adversoque impertit lumina mundo.
Squallida confestim tenebris cœlumque solumque
Et mare velivolam nox implicat, omnia tristes
Torpor habet, tacitoque metu passim omnia lugent,
Lugent ager, lugent urbes, sylvæque virentes
Nec liquido volucres exercent aëra cantu,
Et pecudum genus omne tacet, genus omne ferarum,
Tristiaque omnis agit sine luce silentia tellus.
Non secus ac nobis, tam CHARO PATRE revulso,
Tunc in funestam subito versa omnia noctem:
Stant cireum Aoniæ matrem, & nil dulce sonantes
Nec digitis nec voce Deæ, Dux ipse profundum
Acclinat cytharæ caput, imo & pectore Phœbus
Ingemit: Ismarium qualis post Orphea raptum
Adstitit, Hebre, tibi lacrymis jam flumina cernens
Concrevisse suis, obscuraque carbasa tristes
Najadas & Dryadas, passosque habuisse capillos.

Ast, o SOL ORIENS, CHARISSIME FRATRIS OCELLE,
Et IANI ADOLPHI MAGNUM PATRIS INCREMENTUM,
DUX CHRISTIANE, omnes iterumque iterumque
propulsas

Tristitiæ nubes, ceu lymate noctis adempto,
Roscida puniceum spargens Aurora ruborem

Du-

Ducit ubique diem; deducis & aurea coelo
Tempora, sic tandem rutilat post NUBILA PHOEBUS!
Nec mirum eniteant radii, quos sparserat olim
AUGUSTUS divi semper-memorabilis ævi,
Quem virtus Augusta probat Probitasque Parentum
Et Genus Illustre, & Venerabile sanguen Avorum,
De Patre MAGNANIMO quid dicam? dicere cuncta
Non mihi sufficeret seclum, namque altior ipso
Sole Ejus splendor terram diffusus in omnem.
Hinc Cæsus Patria, PRINCEPS, Virtute reluces,
Qui lucem accendit proprio feliciter igne,
Inque Sui similem totum Te vertere flammam,
Flamigerumq; ALBÆ rutulantem reddere SOLEM
PETRÆ curavit, nec spes nec cura fefellit.
Namque Tuum prodit fausto id satis OMINE NOMEN,
Perfektumque Instar MAGNI GENITORIS, & inde
Germani è Fratris redivivus funere Phœnix,
Te non immeritò SOLEM LUCEMQUE vocari
Deliciumque Tui Generis, quia lumine Solis
Lumen habes, cunctas radiós qui misit in oras.
Salve igitur nobis ter bis, SOLAURÉE, salve!
Ingredere & Regimen cape nunc Soliumque Paternum
Ascende, hinc procul hinc fugiunt Phaëtonica regna,
Icarii que Aulus, Tua nam spectata Quirinis
Cautaque agendarum rerum PRUDENTIA pellit.
Unde GENETHLIACO PIETAS parat omnia Festo,
Et TIBI templa struit, constructa ornatque Trophæis.
Hic pro Te supplex inter reboantia sanctas
Tympana & Æra PRECES, lituis permixta tubarum
Alti sona atque inter tormenta tonantia, fundit
Divinamque implorat opem, auxiliumque precando
Hymnosque Psalmosque canit cum laude PERENNI
Carminibusque vehit BENEFACTA INGENTIA JOVÆ.
Exemplo invitat alios monitisque probatis
Ad pia quod veniant, veniant celeberrima Festa.
It clamor cælo! Vicini Dii que Deæque,
Quorum Rutigeros pars maxima præstat Honores,

Exci-

73 X 4400
Exciti strepitu, priscum FELICITER! uno
Acclamant simul ore TIBI, DUX INCLUTE, læto.
Dumque & inextinctis fumant TIBI thuribus aræ,
Myriadum quas hinc illustant undiquæ stellæ
Ceu Regale Dei; nostri quoque muneris esse
Duximus elogiis FVLGENTIA LVMINA. sed quid?
Infuscare? absit! quis enim sibi Mœvius illud
Arroget æternas & TANTO PRINCIPE dignas
Stridenti misere stipula disperdere laudes?
Hoc te grandi loquum, Maro, te quoque Naso requirit
Doctum, qui quondam celebrem super astra tulistis
Augusti famam, Meccœnatumque Patrumque.

Sed tamen ut desint, SOL OPTATISSIME, vires,
Devotis plenum votis ne despice pectus,
Quasq; SERENATO hoc Tibi LUMINE triga sororum
Accendit faces, & quæ candentia fila
Stamine deducit pleno, aspice FRONTE SERENA.
Ecce, Tuis annis annos adjungere gaudent
Longævos, clamant: Vivas per Nestoris annos
Hiacos, Pylisosque simul, semperque recenti
Te facie sistas nobis viridique juvena
Splendescas. pelago Titan velut exit ab alto
Mane, vel Eoa reparabilis Ales arista
Se revocat, cunasque suas patriumque sepulchrum
Pulchrior ante fores Hyperionis æde reponit
Et sic perpetuo vireat TUA RUTA vigore,
Neve venenato violetur morsibus unquam,
CASTA que florescat nullo non tempore COSTA,
Quæ Tua Lux CHRISTINA cluet LOUYSA coru-
fcans,

Atq; FUTURUS item vivat CHAR ISSIMUS HÆRES,
Et se se Patriis olim Virtutibus æquet!
Denique Tota DOMUS toto SPECTABILIS Orbi
SAXONICA assurgat nostri mage GLORIA SECLI
Heroas alios supra Celsosque Dynastas.
Sæpius aspicias radiantis Orionis ortum,
Et veniat demum serus TIBI Vesper olympo!

* * *

D. 16, 16

Xa
4400

SERENUS SOL ORIENS

SERENISSIMI, CELSISSIMI AC ILLU-
STRISSIMI DOMINI,

DOMINI

CHRISTIANI,

JULIÆ, CLIVIÆ AC MONTIUM, AN-
LANDGRÄVII THURINGIÆ, MARGGRAVII ME-
IORIS & INFERIORIS LUSATIÆ, COMITIS PRIN-
HENNEBERGICI, COMITIS MARCÆ & RA-
DOMINI RAVENSTEINII & C. & C.

PSISSIMO RENI DIE

R. ANNO M DCC XIII.

FELICISSIMUS ERAT

IUS NATALIS PRIMUS

UI CLEMENTISSIMI,

CUM TRIPUDIO SALUTABATUR

GEORGIO RAMMOLDO, P. L. C.
ORE SUPERIORIS EICHSTADII.

LEUCOPETRÆ,

JOH. CHRISTOPH. BRUHLII, AUL. TYP.

